



АКАФИСТ

ПРЕПОДОБНОМУ И БОГООБОЖИТЕЛЬНОМУ

ОТЦУ НАШЕМУ

ФЕОДОРУ ОСВЯЩЕННОМУ



Тропарь, глас 1:

Пустынный житель, и в телеси ангел, и чудотворец явился еси богоносе отче наш Феодоре: постом, бдением, молитвою небесная дарования прием, исцеляеши недужныя, и души верою притекающих ти. Слава давшему тебе крепость: слава венчавшему тя: слава действующему тобою всем исцеления.

Кондак, глас 2:

В дому Божии яко финикс процвел еси, плоды же добродетелей Господеви принесл пощением изрядным, отче преподобне. Темже и ублажаешися, яко безплотных равностоятелен.

ВЕЛИЧАНИЕ

Ублажаем Тя, преподобне отче наш Феодоре, и чтим святую память твою, наставниче монахов, и собеседниче ангелов.

КОНДАК 1

Избранный Господем сил и Царем Славы, подвиги своими предивный образ иноческаго жития явивый и равноангельски на земли поживый, преподобне отче наш Феодоре, прими от нас с любовию приносимое тебе хвалебное пение. Ты же, яко имеяй дерзновение ко Господу, молитвами твоими от всяких нас бед свободи, да зовем ти: Радуйся, преподобне отче Феодоре, преславный угодниче Божий и молитвенниче о душах наших.

ИКОС 1

Ангел во плоти явился еси на земли, преподобне Феодоре, от юности всем сердцем и душою Господа своего возлюбив, равноангельному поревновал еси житию учителя твоего преподобнаго Пахомия и, послужив Господеву в преподобии и правде, непорочно житие совершил еси на земли, дивный образ совершенства духовнаго нам оставив, да воспеваем ти сице:

Радуйся, сыне родителей богатых и знатных, богатство тленное ни во чтоже вменивый.

Радуйся, многими добродетельми украшенный, богатство нетленное во обителях небесных стяжавый.

Радуйся, за ум и благочестие матерью более всех детей любимый.

Радуйся, постниче предивный, издетска пищи тленные в мире сем тленном вкушати не желавый.

Радуйся, житие иноческое от юности своею возлюбивый.

Радуйся, суету мирскую и славу временную презревый.

Радуйся, преподобне отче Феодоре, преславный угодниче Божий и молитвенниче о душах наших.

КОНДАК 2

Видя, яко в мире сем всяческая суета и тление, земную красоту, богатство и славу ни во чтоже вменив, подвигам поста и молитвы из млада предавался еси, и, любве ради Христовы, родителей твоих и дом отеческий оставив и всякаго пристрастия суетнаго свободився, притека еси в пустынную обитель, невозбранно воспевати спасающему нас Богу ангельскую песнь: Аллилуиа.

ИКОС 2

Разумом богопросвещенным позна благоплодие души твоея Великий Пахомий, егда ты пришед во обитель Тавеннисскую и со слезами припадая к стопам его, молила еси о еже прияти тя в число братии. Поминая убо ревность твою к подвигом духовным, убажжаем тя, яко избранника Божия, и умиленно глаголем:

Радуйся, иноческаго жития всем сердцем возжелавый.

Радуйся, дар слез от Господа стяжавый.

Радуйся, во вся дни посту, молитве и плачу предававшийся.

Радуйся, о познании Бога и воли святыя Его ревновавый.

Радуйся, сего ради учеником великаго аввы Пахомия быти возжелевый.

Радуйся, яко Господь желание сердца твоего благочестиваго исполни.

Радуйся, преподобне отче Феодоре, преславный угодниче Божий и молитвенниче о душах наших.

КОНДАК 3

Силою Вышняго осененный и укрепляемый, неустанно в подвизах иноческих превывал еси, отче Феодоре, и, сподобився дарований духовных, день и ночь воспевал еси Спасителю Богу: Аллилуиа.

ИКОС 3

Имеяй ревность божественную о спасении многих, учитель твой, богомудрый Пахомий, провиде тя быти великаго подвижника и благонкуснаго споспешника хотящим спастися. Сего ради, посылаше к тебе многих иноков, да наставиши их и утешиши. Ты же, смиренномудрия и послушания исполнен, не преслушав коли сятаго наставника твоего, поучал и утешал еси всех приходящих к тебе. Ныне же, предстоя Престолу Божию, благоспешествуй молитвами твоими всем взывающим к тебе:

Радуйся, Великим Пахомием наставляемый на путь иноческаго совершенства.

Радуйся, достойно путь сей совершивший и достигнувый райскаго блаженства.

Радуйся, величайшую ревность об угождении Богу проявивый.

Радуйся, ради Господа мир и вся яже к нем оставивый.

Радуйся, девства и целомудрия усердный хранителью.

Радуйся, иноческаго жития истинный любителю.

Радуйся, преподобне отче Феодоре, преславный угодниче Божий и молитвенниче о душах наших.

КОНДАК 4

Бүрю искушений и устремлений диавольских укрощая постом, бдением, смирением и молитвою до конца врага души человеческия победил еси, преподобне. И, восходя по стезем добродетелей к совершенству духовному, воспевал еси Богу: Аллилуиа.

ИКОС 4

Слышаще и видяще богоугодное и добродетельное житие твое, богомудрый Пахомий постави тя строителем обители Тавеннисийския: ты же, согревая сердца иноков Божественною любовию, за советами к наставнику своему всегда прибегал еси, от егоже уст святых много словес душеполезных слыша, и слагая их в сердце твоём, был еси добрый ученик великаго учителя, воистину достойный благохвалений таковых:

Радуйся, великаго Пахомия доблнй учениче.

Радуйся, неусыпный к Богу молитвенниче.

Радуйся, мудрость духовную еще в юности твоей явивый.

Радуйся, страх Божий стяжавый.

Радуйся, пред Всевиждащим Богом непрестанно себе представлявый.

Радуйся, паче всего согрешити пред Господем убоявыйся.

Радуйся, преподобне отче Феодоре, преславный угодниче Божий и молитвенниче о душах наших.

КОНДАК 5

Боготечней звезде уподобился еси, всеблаженне Феодоре, сияя дела благими и богоугодными всем хотящим о Господе подвизатися и спасения вечнаго ищущим: от мрака бо греховнаго хотящим прейти к Солнцу Правды, ясно путь покажешь и научаеши воспевати Богу хвалебную песнь: Аллилуиа.

ИКОС 5

Видим тя, преподобне отче Феодоре, к богоносному отцу Пахомию любовь велию о Христе стяжавшаго, яко и пред кончиною его послужил еси ему, молитву купно творяще. Сего ради,

ублажающе твоя, ради спасения ближних подъятыя, сице тебе зовем:

Радуйся, послушание во всем богоблаженному Пахомию явивый.

Радуйся, множество плодов духовных стяжавый.

Радуйся, плоть свою постом и воздержанием непрестанно умерщвлявый.

Радуйся, подвиги своя скрываавый, да неведомы будут миру.

Радуйся, яко первым во обители сана пресвитерскаго удостоенный.

Радуйся, дары Святаго Духа в сердце свое достойно воспринявый.

Радуйся, преподобне отче Феодоре, преславный угодниче Божий и молитвенниче о душах наших.

КОНДАК 6

Проповедник смирения истиннаго, терпения и кротости явился еси, отче, егда во обители Тавеннисийстей подвизался еси, единому Богу работая неколебленно, житием и словом пример иноческаго жития являя, и научая всех воспевати песнь Богу: Аллилуиа.

ИКОС 6

Возсиял еси, яко заря пресветлая, всеблаженне отче Феодоре, и на спасения стезю наставил еси многия человеки: яви бо ты Христос наставника и учителя иноком, озаряя их лучами добродетелей и чудес твоих. Темже вопием ти:

Радуйся, Евангельскаго по Бозе жития возжелавый.

Радуйся, плачем о своем недостойнстве смиренне велие стяжавый.

Радуйся, заповедь Евангельскую: иже любит отца или мать паче Мене, несть Мене достоинна непрестанно хранивый.

Радуйся, сего ради от свидания с матерью своею уклонивыйся.

Радуйся, брата своего Пафнутия на путь иноческаго жития наставивый.

Радуйся, многих от вечныя гибели избавил еси.

Радуйся, преподобне отче Феодоре, преславный угодниче Божий и молитвенниче о душах наших.

КОНДАК 7

Хотя Человеколюбец Господь прославить тя, угоdnика Своего, за святость и чистоту жития и многия подвиги духовныя, дарова ти благодать свою и дар чудотворений обильный. Ты же, врачюя недуги телесныя вкупе же и душевныя, воспевал еси во смирении Господеву благодарственную песнь: Аллилуна.

ИКОС 7

Новаго тя и премудраго наставника дарова Господь иноком обителей Фиваидских: ты бо, пребывая в молитвах, пощении и трудах непрестанных, назидал еси всех мудростию и любовию, наставляя на путь спасения. Мы же песенно тебе вопием:

Радуйся, мудрым словом своим братию наставлявый.

Радуйся, молитвою своею многих утешавый.

Радуйся, плоть твою всецело духови покоривый.

Радуйся, ближних своих и братию всем сердцем возлюбивый.

Радуйся, правило веры и благочестия.

Радуйся, образе кротости и смирения.

Радуйся, преподобне отче Феодоре, преславный угоdnиче Божий и молитвенниче о душах наших.

КОНДАК 8

Странно и чудно бысть житие твое, преподобне отче, многия бо труды и подвиги доблественно совершил еси, шествуя по пути спасения до маститыя старости, облечен во всеоружие Божие, во плоти, аки безплотен быв, умерщвляя страсти и сокрушая наветы миродержителя тьмы века сего. Темже с Небесными силами купно воспеваеши Богу: Аллилуна.

ИКОС 8

Всем сердцем твоим и всею душою своею Господа паче всего возлюбил еси и Его ради много подвизался еси, иноческую братию послушанию, кротости, терпению и непрестанней молитве научая, наставнику же своему в устроении и управлении неленостно помогая, все упование свое на Спаса Христа возлагал еси, чада твоя удивляя силою веры твоея, и подвизая звать тебе:

Радуйся, воздержанию братию научавый.

Радуйся, и сам непрестанно в воздержании и посте пребывавый.

Радуйся, образ самоотвержения и благочестия всем показавый.

Радуйся, яко дар слова от Господа приявый.

Радуйся, гордость всяческую низложивый.

Радуйся, любовию своею зависть и ненависть поправый.

Радуйся, преподобне отче Феодоре, преславный угодниче Божий и молитвенниче о душах наших.

КОНДАК 9

Весь от юности Господевн предался еси, преподобне Феодоре, и к Немү добродетельми многими приблизился еси, тленная бо, яже на земли, оставив, нетленное богатство обрел еси; кончиною же преподобною разрешився от соуза плотскаго, ныне во обителех небесных пребываеши со Ангелы святыми и всеми праведниками, купно с ними ликовствуя и поя Богү: Аллилуиа.

ИКОС 9

Ветни земнороднии не возмогут по достоянию восхвалити досточудное житие твое, преподобне отче, подвиги же и добродетели, имиже житие твое, яко цветами благоукрашается и духовно благоухает. От ранния бо юности твоея и до старости маститыя неославно Богү благоугождал еси и волю Его святую присно творил еси, чесо ради кончину праведную, яко венец подвигом твоим, от Господа восприял еси и в Горния скинии вселился еси. Мы же таковым дивящися, приносим ти хваления сицевая:

Радуйся, высоты духовныя достигнувый.

Радуйся, от слова Божия сладость велию в души своей имевый.

Радуйся, словесем сим спасительным и иным иноки поучавый.

Радуйся, подвиги великаго старца Пахомия в сердце своем слагавый.

Радуйся, чистоту сердца и мудрость духовную стяжавый.

Радуйся, души ближних и братий твоих врачевавый.

Радуйся, преподобне отче Феодоре, преславный угодниче Божий и молитвенниче о душах наших.

КОНДАК 10

Спасти хотя души ученик твоих, отечески назидал еси их, богомудре, оваго мудрым словом, оваго примером жития твоего, иных же с кротостию обличая, с любовию увещевал еси преуспевати в благочестии и чистоте и научал еси их в молитвах бодрствовать и немолчно пети Богү: Аллилуиа.

ИКОС 10

Стена еси и твердое заступление всем с молитвою притекающим к тебе, богомудре Феодоре, ибо чистоты ради твоея сердечная сила духовная от Бога тебе даровася: болящих исцеляти и бедствующим помогати. Не презри убо и наша моления, с любовию к тебе возносимая, и предстательством твоим испроси у Христа Бога всем по коегождо потребе даровати, да вопием тебе умиленными гласы:

Радуйся, ноши в бдении и молитве проводивый.

Радуйся, житием и словом образ всем иноком бывый.

Радуйся, дар чудотворений обильный от Господа получивый.

Радуйся, словеса твоими непослушных кротко обличавый.

Радуйся, на путь покаяния и исправления их наставлявый.

Радуйся, о стаде твоём непрестанно попечение имевый.

Радуйся, преподобне отче Феодоре, преславный угодниче Божий и молитвенниче о душах наших.

КОНДАК 11

Пение наше молебное милостиво прими, угодниче Божий, преподобне отче Феодоре, щедроты твоя целебная и лучи многих чудес ниспосли нам, озаряя души и сердца ищущих с верою твоего заступления, егоже сподоби и нас, сия песенныя хвалы тебе возносящих, и Богу благодарно зовущих: Аллилуиа.

ИКОС 11

Светозарное светило Церкви своей яви тя Солнце Правды Христос Господь, преподобне отче Феодоре, невещественным светом благодати Божественныя сияюща и мглау неведения нашего озаряюща. Темже молим тя: просвети и наша души, омраченныя греховными страстьми, светом Христовым и молитвами твоими помози нам тьмы греховныя избежати и лучи благодати Божия в сердца наша прияти и неосужденно воспевати тебе:

Радуйся, яко от юности твоея единого Христа возлюбил еси.

Радуйся, истинным учеником и помощником святого Пахомия явивыйся.

Радуйся, болезни и скорби безропотно претерпевый.

Радуйся, в подвигах иноческих неленостно подвизавыйся.

Радуйся, мудрым руководителем на пути ко спасению иноком бывый.

Радуйся, путь к Царствию Небесному многим открывый.

Радуйся, преподобне отче Феодоре, преславный угодниче Божий и молитвенниче о душах наших.

КОНДАК 12

Благодатию данною ти от Бога, всем чтущим святую память твою и молитвенно тя призывающих от бед избавляеши, недуги исцеляеши, ко спасению руководиши и научаеши со умилением и благодарением взывать Богу: Аллилуа.

ИКОС 12

Поюще твое к Богу отшествие, преподобне Феодоре, почитаем святую память твою, величаем подвиги и труды твоя, хвалим твое долготерпение и смиренномудрие, славим незлобие твое, увлажяем праведную кончину твою, и молящееся усердно, о еже сподобитися и нам неосужденно предстати Страшному Судищу Христову, взываем ти:

Радуйся, постников похвало и монашествующих благолепие.

Радуйся, сокровищнице даров многообразных.

Радуйся, Небеснаго Сиона жителю.

Радуйся, Ангелов сослужителю.

Радуйся, нерукотворенных чертогов райских обитателю.

Радуйся, о душах наших благоприятный предстателю.

Радуйся, преподобне отче Феодоре, преславный угодниче Божий и молитвенниче о душах наших.

КОНДАК 13

О, преславный и предивный отче Феодоре, прими благоутробно сие малое моление наше, и твоим сильным и благоприятным ходатайством испроси нам у Христа Бога утверждение в вере и братолюбии, сохрани нас от недугов душевных и телесных, от всех враг видимых и невидимых, от всякия напасти и скорби, от внезапныя смерти и от грядущих мучений вечных избави нас, да сподобимся с тобою и со всеми святыми во веки воспевати Богу Спасителю нашему благодарственную песнь: Аллилуа.

(Этот кондак читается трижды, затем икос 1 и кондак 1)

МОЛИТВА

О, пречестная и священная главо, преподобне и богоносне отче Феодоре, иноков трудолюбнаго жития богомудрый наставниче, кротости, смирения и воздержания, чистоты и целомудрия, братолюбия, терпения и бдения от ранней юности до маститых старости неутомимый подвижниче, являяй многия милости всем, с верою и любовию притекающим к тебе! Призри оком благоутробия твоего на нас, недостойных чад твоих, к тебе усердно по вся дни прибегающих, и испроси предстательством твоим ко Всевышнему Владыце нам у благодати Его: веру праву, благочестие нелицемерное, покаяние истинное, братолюбие совершенное и преуспевание во всех благих делах, малодушным успокоение, заблуждшим исправление, согрешающим дух сокрушения, бедствующим благовременную помощь. Исходатайствуй нам здравие душевное и телесное, земли плодоносие, воздуха благорастворение, мирное и безмятежное житие, непостыдную христианскую кончину и добрый ответ на страшнем Суде Христовом. Да в мире глгоце пребудет святая Православная Церковь Христова, и в благостроении зиждется отечество наше, во всяком благочестии нерушимо, да будет выну мир, тишина и благоденствие. Всех же нас Господь Всемилоостивый от ненавидящих и обидящих да свободит и вся полезная к временному житию и спасению вечному да дарует твоим предстательством и заступлением. Наипаче же в час кончины нашей явися нам заступник благосердый, да не предани будем на мытарствех воздушных власти злобнаго миродержца, но да сподобимся непреткновеннаго восхода в Царствие Небесное. Осени нас, молящихся тебе, небесным твоим благословением, и вся прошения наша во благо исполни. Споспешествуй, яко чадолюбивый отец чадам, и нам понести иго Христово во благодушии и терпении, и всех управи в мире и покаянии скончати живот свой непостыдно и преселитися со упованием во обители Небесныя, идеже ты, по трудах и подвизах, ныне водворяеши со Ангелы и святыми. Ей, отче, не презри молитв наших, со умлением тебе возносимых, но буди о нас теплый предстатель ко Господу, и сподоби нас помощию твоею святою спасение вечное получить, и Царствие Небесное унаследовати, да славословим великия щедроты и неизреченныя милости Отца и Сына и Святаго Духа, в Троице покланяемаго Бога, и твое Отческое заступление, во веки веков. Аминь.